



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 78. Protestantium Anglorum machinationes contra Aboracensis Ducis
matrimonium.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

testantes cum Catholicis connubia ini- Sæc. XVII.
rent, ut scilicet Regis Fratrem Eboracensem Ducem præpedirent, ne Oenipontanam Archiducissam, aut aliam quamcunque Principem religione Catholicam sibi matrimonio jungeret. A.C. 1673.

*Tantum secta recens potuit suadere
malorum.*

Præterea Protestantes, ne Hibernis pepercisse viderentur, a Rege postularunt, ut Richardum Talbotum, quia Catholicorum Hibernorum negotia procurabat, omni dignitate exueret. Verum Rex die octava Aprilis Senatum ingressus, pro solis Presbyterianis petitam conscientiarum libertatem confirmare distulit, indicto primum ad trigessimam Octobris diem Parlamento.

§. LXXVIII.

Protestantium Anglorum machinationes contra Eboracensis Ducis matrimonium.

Quantumvis Eboracensis Dux Angliæ Regis Frater non ita pridem Catholicam religionem amplexatus esset, Calvinianam tamen impietatem tantopere exhorrebat, ut potius Architalassi munere ultro se abdicare, quam sacrilego juramento conscientiam suam contaminare vellet. Hoc ejus exemplum pariter Theatr. Eur.
rop. tom. 1.
Amelot
Mem. t. 2.
p. 419.
Calmet hist.
Univ. t. 17.
l. 156. §. 24.

Bellii

Sæc. XVII. Belliducum Catholicorum potissimi fe-
A. C. 1673. quebantur. Nondum tamen ultronea
 hac abdicatione satis litatum erat Pro-
 testantium furori; postquam enim com-
 pertum habebant, quod Eboracensis
 Dux, cum Claudia Felicitas Ferdinandi
 Caroli Oenipontani Archiducis Filia
 Leopoldo Cæsari in festo S. Theresæ
 nuplisset, Mariam Eleonoram Estensem
 Alphonfi IV. Mutinensis Ducis filiam
 religione Catholicam, & natione Ita-
 lam in thori æque ac maximarum ca-
 lamitatum consortem ducere vellet,
 tum vero Protestantes nil eorum, quæ
 fanaticus suæ sectæ zelus excogitare
 poterat, inausum intactumque reli-
 quere, ut Ducis matrimonium cum
 Catholica præpedirent. Igitur die no-
 na Septembris importunius a Rege pe-
 tebant, ut Fratris sui Ducis matrimo-
 nium cum hac Principe Catholica dis-
 solveret, idem quoque die decima sexta
 ejusdem Mensis in Senatu postulabant,
 palam significantes, se nulli Regis pe-
 tito assensuros, nisi prius hoc matri-
 monium irritum declarasset, & Pro-
 testantes adversus Catholicos, eorumque
 Protectores (*) præstitisset securos.

(*) Indicabant Franciæ Regem, quocum-
 Angliæ Regem, Ducemque Eboracensem am-
 Obli-

Sæc. XVII. „Ducis matrimonium jamjam per Pe-
 A.C. 1673. „terboroghium Comitem juxta solem-
 „nitates inter Principes consuetas con-
 „clusum, confirmatumque est: nec vo-
 „bis hoc matrimonium esse potest me-
 „lestum; nunquam enim quicquam op-
 „posuistis, etsi de hisce nuptiis publice
 „per plures menses actum fuisset. „ Hoc
 responso irritati Senatores, altera die
 decreverunt, nulla pecuniarum subsidia
 Regi esse solvenda, nec ullam opem
 eidem ferendam, donec Regnum contra
 Papistarum & Catholicorum Con-
 sultorum molimina tutum reddidisset,
 omnibusque Protestantium querelis sa-
 tisfecisset. Postea Prædicantes per
 universum Regnum solemnem jejuni-
 diem indixere, ut populo Regnum in
 maximo discrimine versari persuade-
 rent: nec his contenti, biduo post una-
 omnes Regem accessere, eidem exponen-
 tes. I. Quod hoc matrimonium tu-
 multus, & suspiciones moveret, & que-
 rendique ansas præberet, ipsumque
 Regem ad fœdera Calvinianæ religionis
 noxia compelleret. II. Experientia
 teste Papistæ ejusmodi matrimoniis
 novos animos induerent, proin Sacre-
 dotibus Catholicis & Jesuitis Regis
 subditos seducendi occasio præberetur.
 III. Animadversum esset, quod Catho-
 licorum factio per gratiolas Regis lega-

Sæc. XVII.
A. C. 1673.

dejecta, nunc ad novas spes erigeretur. IV. Timendum foret, ne ejusmodi nutu-
ptiis subditorum affectus erga Ducem
folio proximum haud parum imminue-
retur. V. Per integrum ferme sæcu-
lum Angliæ continuis anxietatum pro-
cellis jactaretur, ne Papismus incre-
menta caperet, & Protestantium religio
discrimini exponeretur. VI. Cum Mu-
tinenfis Principissa Romæ plures sibi
sanguine junctos haberet, facile Ro-
mani sua consilia exequendi media hu-
jus matrimonii ope consequi, ac in
ipsa Regis secretiora consilia penetrare
possent. VII. Pluribus exemplis com-
probatum esset, quod ejusmodi conju-
gia per Procuratores inita fuerint dis-
soluta, proin Senatores impense Re-
gem efflagitarent, ut ipsemet, utpote
prole orbat, præpedire vellet, ne
hoc matrimonium proprio Ducis con-
sensu firmaretur.

Verum Rex ad hæc querelas us-
que ad Senatum Mense Januario ha-
bendum respondere distulit. Ceterum
Eboracensi Duci Sponsa, quæ die un-
decima Novembris Lutetiam Parisio-
rum ingressa erat, die undecima De-
cembris per Oxoniensem Episcopum in
Dubriensi Urbe Sponso suo conjuncta,
inde Londinum a Rege deducta est, ap-
plaudente ipso summo Pontifice, qui
Hist. Eccles. Tom. LXIII. Uu ab

Sæc. XVII. ab initio quidem rursus Principem Catholicam diris Protestantium vexationibus exponi dolebat, omnem tamen benedictionem eidem impertiebat, dum a Galliarum Oratore perceperat, Franciæ & Angliæ Reges cavisse, ut præfata Princeps libero suæ Religionis exercitio frui, ejusque proles in orthodoxa fide educari possent.

§. LXXIX.

Franciæ Regis Legatio ad Clementem X. Papam.

Theatr. Europ. tom. II. Hist. Cron. cont. l. 9. p. 176. Postquam Ludovicus XIV. Franciæ Rex compertum habebat, quod non modo Cæsar, sed & Hispaniæ Reges pluresque Catholici Principes arma in Gallos pararent, Lusitanos & Helvetios in belli societatem pertrahere aliorumque Principum animos sibi conciliare nitebatur: Ea ex causa præfatis Massiliensem Archiepiscopum Romanam ablegabat, qui obtenta allocutione nomine Regis sui exponeret, quod quidem Ludovicus pro hæreticorum extirpatione Regnum suum in periculum crimini, immensisque sumptibus expensis fuisset, ægerrime tamen ferret, quod ipsimet fidei hostes a Cæsare, Hispaniarum Rege, aliisque Principibus Catholicis protegerentur: Hos ergo, Sanctissimæ